



Adresa: Ul. Hamdije Čemerlića 39
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: UP-1/21-3-40-686-4/22

Datum: 02.02.2023. godine

„Agencija za vodno područje rijeke Save“ Sarajevo rješavajući po zahtjevu pravnog lica JP „Eko Sep“ d.o.o. Živinice Centar za upravljanje otpadom Separacija I za donošenje rješenja o vodnoj dozvoli za ispuštanje oborinskih onečišćenih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada Regionalne sanitarne deponije komunalnog otpada „Separacija 1“- faza 1, Grad Živinice, na osnovu člana 109. stav (1) tačka 2. i 11. i stav (2) tačka 1. Zakona o vodama („Sl. novine Federacije BiH“, br. 70/06.) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu, JP „Eko Sep“ d.o.o. Živinice Centar za upravljanje otpadom Separacija I, daje se vodna dozvola za ispuštanje oborinskih onečišćenih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada Regionalne sanitarne deponije komunalnog otpada „Separacija 1“- faza 1, Grad Živinice, a u postupku ishodovanja upotrebne dozvole od strane Federalnog ministarstva prostornog uređenja.
2. Rješenje o vodnoj dozvoli se daje na osnovu činjeničnog stanja utvrđenog pregledom dostavljene dokumentacije te izvršenim uviđajem na lokalitetu, pod slijedećim uslovima:
 - 2.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se obezbijedi kontinuirano vršenje kontrole cjelokupnog sistema zadržavanja procjednih voda u instalisanom sistemu odlagališnih kazeta te da se onemogući ispuštanje procjednih voda u okolno zemljište, obodni kanal ili prirodni recipijent osim u slučaju ekstremno velikih padavina kada je sistem za recirkulaciju (kazete i drenažni sistemi u tijelu deponije) zasićen vodom.
 - 2.3. Da se za vrijeme trajanja ove dozvole obezbijedi da se tehnološke otpadne vode nastale procjeđivanjem voda kroz tijelo deponije (procjedne vode) sa prostora 1 faze odlagališta prikupljaju drenažnim sistemima sa odvodom u kazete za procjedne vode (1 i 2) a zatim putem pupi (sistemom recirkulacije) vraćaju u tijelo deponije.
 - 2.4. Da se za vrijeme trajanja ove dozvole obezbijedi da se oborinske onečišćene zauljene vode nastale na prostoru internih saobraćajnica, reciklažnog dvorišta, parking prostora pored upravne zgrade i velikog parkinga mehanizacije ispred servisnog centra, platoa za pranje vozila i drugih radno-manipulativnih površina predmetne deponije nesmetano sakupljaju i odvođe na tretman u separator ulja i lakih tečnosti Aquareg NG 150. Ovako tretirane vode se ispuštaju u obližnji jarak pored pristupne saobraćajnice a koji se ulijeva u rijeku Oskovu kao kanačan recipijent.
 - 2.5. Da se za vrijeme trajanja ove dozvole obezbijedi da se oborinske vode prikupljaju putem izgrađenih obodnih kanala oko tijela deponije (koji sprečavaju ulazak vode s okolnog terena i servisne saobraćajnice u odlagalište) i odvođe preko taložnika u revizijsko okno OK 1 nakon čega se dalje usmjeravaju u bazen za oborinske vode (bazen br.17), te nakon što se on napuni do projektovanog kapaciteta, višak vode putem preljeva dalje ispušta u sistem odvodnje oborinskih voda u jarak prisutne saobraćajnice, a zatim dalje u rijeku Oskovu kao kanačin recipijent.
 - 2.6. Korisnik objekta dužan je da odgovorno vodi proces reciklaže, sortiranja, baliranja i deponovanja otpada, kako bi se smanjila količina otpada na deponiji i u konačnici smanjio ukupni teret zagađenja otpadnih voda.

- 2.7. Ne dozvoljava se odlaganje posebnih vrsta otpada koji ne spadaju u kategorije koje se mogu zbrinuti u sklopu Regionalne sanitarne deponije komunalnog otpada „Separacija 1“- faza 1, Grad Živinice.
- 2.8. Da se objekti čija je svrha odvođenje i prečišćavanje onečišćenih voda (separatori ulja i masti, betonski taložnici, kazete, bazen, kanali i slivnici, kanalizaciona mreža, drenažni sistemi i dr. redovno održavaju i koriste na način koji će obezbijediti njihovu potpunu ispravnost i funkcionalnost.
- 2.9. Da se poduzmu sve potrebne mjere kojima bi se obezbijedilo da prečišćene otpadne vode prije ispuštanja u krajnji recipijent- rijeku Oskovu, zadovolje granične vrijednosti emisija otpadnih voda utvrđene u Prilogu 19. Uredbe Uredbe o uslovima ispuštanja otpadnih voda u okoliš i sisteme javne kanalizacije („Sl. novine Federacije BiH“, broj:26/20, 96/20).
- 2.10. Čišćenje i pražnjenje separatora ulja i masti te skladištenje i zbrinjavanje opasnog otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu taloga iz separatora ulja masti kao i preuzimanje drugog opasnog otpada.
- 2.11. Skladištenje otpadnih materija koje se mogu javiti u tehnološkom procesu i koje se direktno ili indirektno prikupljaju, a mogu štetno djelovati na okolinu vršiti u adekvatnim kontejnerima i buradima do preuzimanja istih od strane firme registrovane za tu vrstu djelatnosti.
- 2.12. Da se redovno vrši monitoring prečišćene otpadne vode shodno odredbama Uredbe o uslovima ispuštanja otpadnih voda u okoliš i sisteme javne kanalizacije („Sl. novine Federacije BiH“, broj: 26/20, 96/20), te pojedinačne i zbirne godišnje izvještaje dostavi Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 2.13. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 2.14. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 2.15. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
- 2.16. Nakon okončanja svih aktivnosti na obavljanju tehničkog prijema izgrađenih objekata i sadržaja korisnik je u obavezi da ishodovano Rješenje o upotrebnoj dozvoli izdato od strane nadležnog organa dostavi Agenciji.
- 2.17. Nakon okončanja svih aktivnosti na terenu, a u postupku ishodovanja upotrebne dozvole korisnik je u obavezi da projektnu dokumentaciju: Projekat izvedenog stanja regionalne sanitarne deponije komunalnog otpada „Separacija 1“-faza 1 urađen od strane Design&QC d.o.o. Sarajevo, broj: 608-541/22, novembar 2022. godine doradi u skladu sa činjeničnim stanjem na terenu- hidro faza.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog postrojenja obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
5. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

6. U periodu važenja ove dozvole, pravno lice je dužno provoditi sve mjere i aktivnosti propisane istom.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, JP „Eko Sep“ d.o.o. Živinice Centar za upravljanje otpadom Separacija I, obratio se ovoj Agenciji sa zahtjevom za izdavanje vodne dozvole za ispuštanje oborinskih onečišćenih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada Regionalne sanitarne deponije komunalnog otpada „Separacija 1“- faza 1, Grad Živinice, na osnovu člana 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20, 63/22) i pismenog zahtjeva podnesenog od strane investitora broj:27-12/2022 od 28.12.2022. godine koji je zaprimljen na protokolu Agencije dana 31.12.2022. godine. U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A- Opšta dokumentacija:

- Rješenje o registraciji, broj:032-0-Reg-13-001065 od 11.07.2013. godine izdato od strane Općinskog suda u Tuzli - ovjerena kopija,
- Rješenje o izmjenama podataka, broj: 032-0-Reg-20-000262 od 20.02.2020. godine izdato od strane Općinskog suda u Tuzli - ovjerena kopija,
- Uvjerjenje o poreznoj registraciji od 18.09.2020. godine izdato od strane Porezne uprave Federacije BiH – ovjerena kopija,
- Rješenje o odobrenju za građenje, broj: UPI/03-23-2-258/16 od 26.01.2017. godine izdato od strane Federalnog ministarstva prostornog uređenja – kopija,
- Rješenje, broj:UPI/03-23-2-258-1/16 od 19.02.2018. godine izdato od strane Federalnog ministarstva prostornog uređenja – kopija,
- Rješenje, broj:UPI/03-23-2-258-2/16 od 01.07.2019. godine izdato od strane Federalnog ministarstva prostornog uređenja – kopija,
- Rješenje o izmjeni rješenja, broj:UPI/03-23-2-258-2/16 od 23.12.2021. godine izdato od strane Federalnog ministarstva prostornog uređenja – kopija,
- Rješenje o izmjeni rješenja, broj:UPI/03-23-2-258-4/16 od 07.09.2022. godine izdato od strane Federalnog ministarstva prostornog uređenja – kopija,
- Opći akt o održavanju, korištenju i osmatranju vodnih objekata i postupanju u slučaju kvara i havarije urađen od strane JP „Eko Sep“ d.o.o. Živinice, od 27.12.2022. godine,
- Izvještaj o ispitivanju vode broj: 1/1 urađen od strane TQM d.o.o. Lukavac, oktobar 2022. godine,
- Izvještaj o ispitivanju vode broj: G 1/1 urađen od strane TQM d.o.o. Lukavac, juni 2021. godine,
- Izvještaj o ispitivanju tla, broj:2047/22 od 12.10.2022. godine urađen od strane TQM d.o.o. Lukavac,
- Izvještaj o ispitivanju tla, broj:1004/21 od 07.06.2021. godine urađen od strane TQM d.o.o. Lukavac,
- Izvještaj o ispitivanju tla, broj:1288/21 od 28.07.2021. godine urađen od strane TQM d.o.o. Lukavac,
- Izvještaj o mjerenju nivoa okolinske buke, G 1/1, urađen od strane TQM d.o.o. Lukavac, juni 2021. godine,
- Informacija o ocjenjivanju kvaliteta zraka, G 1/1, urađen od strane TQM d.o.o. Lukavac, juni 2021. godine,

- Izvještaj o ispitivanju kvaliteta tla za lokaciju buduće sanitarne deponije Živinice, broj: 453/22 urađen od strane Institut za hemijsko inženjerstvo Tuzla, juni 2022. godine,
- Rješenje o vodnoj saglasnosti, broj: UP-I/25-2-40-480-3/16 od 05.09.2016. godine izdato od strane Agencije za vodno područje rijeke Save Sarajevo – kopija,
- Rješenje o okolinskoj dozvoli, broj: UP-I 05/2-02-19-78/20 SN od 01.09.2020. godine izdato od strane Federalnog ministarstva okoliša i turizma – kopija,
- Dokaz o uplaćenju federalnoj upravnoj pristojbi na zahtjev

B- Tehnička dokumentacija:

- Glavni projekt vodovoda i kanalizacije - Faza I regionalne sanitarne deponije komunalnog otpada „Separacija 1“, Općina Živinice, urađen od strane „Zagrebinspekt“ d.o.o. Mostar, srpanj 2015. godine,
- Projekat izvedenog stanja regionalne sanitarne deponije komunalnog otpada „Separacija 1“- faza 1 urađen od strane Design&QC d.o.o. Sarajevo, broj: 608-541/22, novembar 2022. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20, 63/22), izvršen je obilazak predmetnog lokaliteta - Regionalne sanitarne deponije komunalnog otpada „Separacija 1“- faza 1, Grad Živinice i tom prilikom sačinjen je zapisnik o izvršenom uvidaju broj: UP-1/21-3-40-689-2/22 od 31.01.2023. godine.

Na osnovu dostavljene dokumentacije utvrđeno je sljedeće:

- Regionalna sanitarna deponija za regiju Živinice „Separacija 1“ smještena je na katastarskim česticama broj: 637/2, 637/3, 643/11 i 643/12 sve K.O. Odorovići. Od navedene površine oko 5,85 ha pripada površini tijela deponije, a ostali dio otpada na ulazno-izlaznu zonu, servisni centar, reciklažno dvorište, zonu za obradu građevinskog otpada, upravnu zgradu, zelene površine te rezervirani prostor za izgradnju ostalih sadržaja regionalne deponije.
- Na prostoru deponije izgrađeni su sljedeći sadržaji: ulazno-izlazne zone (ulazna vrata, asfaltirane saobraćajnice, vage s mjeriteljskom kućicom i separatorom ulja i masti) ograda oko građevinske parcele, upravna zgrada sa pripadajućim parkiralištem za osobna vozila, servisni centar sa pripadajućim platoom, interne saobraćajnice, deponijske ploha za deponiranje otpada sa sistemom za prikupljanje i recirkulaciju procjednih voda te obodne saobraćajnice oko dijela odlagališnih ploha, obodni kanal oko deponije, bazen/taložnik za skupljanje oborinskih voda, plato za pranje vozila, vodoopskrbna mreža, kanalizacijske i elektro mreže. Izgrađeno je reciklažno dvorište sa pripadajućom nadstrešnicom, plohe za obradu građevinskog otpada te preostalog dijela deponijskih kazeta za odlaganje otpada.
- Sistem odvodnje oborinskih voda sa asfaltiranih površina i krovova riješen je izgradnjom mreže zatvorenih podzemnih oborinskih kanala s pripadajućim građevinama (slivnici, revizijska okna, separator ulja i masti, tipskih kanalic, spremnika za skupljanje oborinske vode). Sva prikupljena zauljena oborinska voda sa saobraćajnice, reciklažnog dvorišta, parking prostora pored upravne zgrade i velikog parkinga mehanizacije ispred servisnog centra se odvodi u separator ulja i lakih tečnosti Aquareg NG 150. Separator Aquareg NG 150, je instalisan na samom kraju kolektora zauljene oborinske vode, poslije koga pročišćena voda ide u izlaznu građevinu, a zatim u obližnji jarak pored pristupne saobraćajnice. Iz jarka voda se ulijeva u rijeku Oskovu kao konačin recipijent.
- Oko tijela odlagališta projekovan je i izgrađen obodni kanal koji sprečava ulazak vode s okolnog terena i servisne saobraćajnice u odlagalište. Obodni kanali izvedeni se uz stalnu kao i uz privremenu saobraćajnicu na odlagalištu. Stalni obodni kanal izveden je kao betonski otvoreni trapezni kanal koji će moći prihvatiti sve oborinske vode i odvesti ih sa tijela odlagališta, okolnog terena i saobraćajnica. Građevinski sistem odvodnje oborinskih voda sastoji se od: revizionih okana, PEHD cijevi (PEHD DN 200 – PEHD DN 1.000), sabirnog bazena za oborinske vode, taložnika, propusta. Voda se iz obodnih kanala odvodi preko taložnika u revizijsko okno OK 1 nakon čega se dalje usmjerava u bazen za oborinske vode. Nakon što se spremnik za oborinsku vodu (bazen br.17) napuni do projektovanog kapaciteta, višak vode će se putem preljeva dalje ispuštati u sistem odvodnje oborinskih voda. Na izlasku s lokacije u ulazno-izlaznoj zoni, oborinska voda

ispušta se u okolni teren odnosno jarak a zatim dalje ide u recipijent- rijeku Oskovu. Taložnici su izgrađeni od betona C30/37 uz dodatak za vodonepropusnost. Igrađeni su ispred svakog sloja privremene ceste po bermi i servisne ceste oko deponije.

- U cilju onemogućavanja prodora procjednih voda iz deponije u osnovni supstrat tj. u podzemlje -tlo deponije je prekriveno geomembranama i geosinteticima GEOHRON HDPE textured u skladu sa standardom EN 13492:2004, EN 13492:2004/A1:2006, EN 13493:2005.
- Obzirom da pripremljena ploha odlagališta ima oblik lijevka, sva oborinska voda koja padne na pripremljenu plohu odlagališta skupit će se na dnu. Stoga je ploha odlagališta razdjelnim nasipima - podijeljena u 2 kazete za odlaganje otpada. Razdjelni nasip izveden je visine oko 1 m i širine u kruni nasipa oko 1 m te s pokosima nagiba 1:3. U svakoj je kaseti izgrađen sistem za skupljanje i odvodnju procjednih voda iz tijela deponije.
- Instalacije sistema odvodnje procjenih voda čine njegov sastavni dio zajedno sa izgrađenim hidrotehničkim objektima sistema odvodnje procjednih voda sa odlagališta. Svrha instalacija sistema odvodnje procjednih vode sa odlagališta je prikupljene procjedne kontaminirane vode drenirane drenažnim kolektorom iz tijela odlagališta, te transport zatvorenim sistemom do sabirnih rezervoara za procjedne vode. U skladu sa tehnološkim postupkom akumulirana kontaminirana voda iz sabirnih rezervoara se recirkulacijom uz pomoć pumpi vraća u odlagalište za potrebe kvašenja otpada. Ove instalacije sastoje se od drenažnih kolektora u kazetama 1 i 2 baznog dijela odlagališta, kojeg čine perforirane PEHD cijevi DN315, PN16 u dužini 120 m + 50 m, zatvorenih kolektora od PEHD cijevi DN315, PN16 kojim se procjedne vode transportuju do sabirnih rezervoara za procjedne vode br20 i 21 (svaki zapremine $V = 250 \text{ m}^3$). U 3. fazi projekta predviđena je izgradnja uređaja za prečišćavanje procjednih otpadnih voda. Sistem je zatvoren i onemogućeno je isticanja filtrata iz tijela deponije u okolno tlo, vode.
- Recipijent svih prikupljenih i oborinskih voda oko tijela deponije i svih tretiranih voda sa prostora parkinga, skladišta, radno-manipulativnih i pratećih površina je postojeći jarak, koji je izgrađen uz tijelo deponije, a kasnije u konačni recipijent - rijeku Oskovu.
- Skladištenje nafte i nafnih derivata se neće vršiti na prostoru Regionalne deponije.
- Servisiranje i popravka mehanizacije se neće vršiti na prostoru Regionalne deponije.
- Obezbjedenje sanitarne vode za uposlenike će biti riješeno po ugovoru za isporuku vode.
- Zbrinjavanje sanitarno-fekalnih voda riješeno je ugradnjom SBR-REG_20 uređaja za tretman voda.
- U postupku ishodovanja dozvole za upravljanje otpadom od strane Federalnog ministarstva okoliša i turizma neophodno je ishodovati i rješenje o vodnoj dozvoli od strane Agencije.
- Investitor je angažovao certificiranu laboratoriju TQM d.o.o. Lukavac koja je izvršila uzorkovanje i dostavila Izvještaje o ispitivanju uzoraka vode, tla i niova buke, a sve u cilju definisanja nultog stanja na deponiji otpada.
- Investitor je angažovao certificiranu laboratoriju Institut za hemijsko inženjerstvo d.o.o. Tuzla u cilju ispitivanja kvaliteta tla za lokaciju buduće sanitarne deponije Živinice, a sve u cilju definisanja nultog stanja na deponiji otpada.
- U odnosu na projektnu dokumentaciju na koju je izdato rješenje o vodnoj saglasnosti, broj: UP-I/25-2-40-480-3/16 od 05.09.2016. godine od strane Agencije, prilikom postupanja na terenu došlo je do izvjesnih promjena -ugradnje uređaja ta tretman sanitarno-fekalnih voda.
- U toku su aktivnosti na tehničkom prijemu izgrađenih objekata i sadržaja od strane Federalnog ministarstva prostornog uređenja te otklanjanje uočenih nedostataka, a u postupku ishodovanja upotrebne dozvole.
- Nakon okončanja svih aktivnosti na tehničkom prijemu izgrađenih objekata i sadržaja, investitor „Eko Sep“ d.o.o. Živinice će pokrenuti aktivnosti na realizaciji faze II Centra upravljanja otpadom. Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog kompleksa i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih su se dužni pridržavati prilikom korištenja objekata u skladu sa odredbama: Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.
- Na osnovu provedenog postupka konstatuje se da je podnosilac zahtjeva JP „Eko Sep“ d.o.o. Živinice Centar za upravljanje otpadom Separacija I ispunio minimum uslova za donošenje rješenja o vodnoj dozvoli za ispuštanje oborinskih onečišćenih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku

rada Regionalne sanitarne deponije komunalnog otpada „Separacija 1“- faza 1, Grad Živinice, te je riješeno kao u dispozitivu ovog Rješenja. Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija dostavljena uz zahtjev za izdavanje rješenja

Po ovlaštenju
Rukovodilac sektora za izdavanje vodnih akata

Haris Ališehović, dipl. inž. građ.

Dostaviti:

- JP „Eko Sep“ d.o.o. Živinice Centar za upravljanje otpadom Separacija I
Oslobođenja bb u kompleksu Islamskog centra, 75270 Živinice KJKP (sa prilogima),
- AVP Sava, ISV – Vodna knjiga,
- Sektor 50,
- ☉ Sektor 40, arhiva,
- Oglasna ploča-AVP Sava